

Biblia Para sa mga Bata

Ihinahalad

Ang Babae Sa Tabi Ng Balon



Sinulat ni: Edward Hughes
Ilinarawan ni: Lazarus
Ibinagay ni: Ruth Klassen
Isinalin ni: Dulia Penalber
Yinari ni: Bible for Children
www.M1914.org


BFC
PO Box 3
Winnipeg, MB R3C 2G1
Canada

©2007 Bible for Children, Inc.


Lisensia: May karapatan kayo magkopia o imprenta ng kuento,
kung hindi ninyo ipagbibili.




Si Hesus at ang Kanyang mga alagad ay pumaroon sa Samaria. Sumapit nga sila sa isang bayan ng Samaria na tinatawag na Sikar.



May isang balon doon na inigiban ng mga tao sa Sikar
ng inuming tubig.




Ang maagang hapon ay maaring maaraw at mainit. Pagod na pagod, si Hesus ay umupo sa tabi ng balon habang ang mga alagad ay umalis pumaroon sa Sikar upang bibili ng pagkain.





Si Hesus ay nagisa -
ngunit hindi matagal.
Isang babang nakatira sa
Sikar ay dumating upang
iigib ng tubig. "Bigyan
mo ako ng inuming
tubig." Sinabi ni
Hesus sa babae.







Ang babae ay nagulat. "Paano ngang ikaw ay isang Hudyo ay humingi ng maiinum sa akin na ako'y babaing Samaritana?" Nagtanong ang babae. Sa panahong iyon, hindi nangakikipagusap ang mga Hudyo sa mga Samaritano.



Marahil lalo siyang nagulat nang sinabi ni Hesus, "Kung alam mo nang sa iyo ay nagsasabi, painumin mo ako, ikaw ay hihingi sa kanya at ikaw ay bibigyan niya ng tubig na buhay."






Sinabi ng babae kay Hesus, "Ginoo, wala kang sukat isalok ng tubig, at ang balon ay malalim. Saan nga naroon ang tubig na buhay? Dakila ka pa baga sa aming ama na si Hakob, na sa amin ay ibinigay ang balon....?"




"Kung sino man ang iinum ng tubig na ito ay mauuhaw muli," Sinabi ni Hesus sa babae. "Ngunit kung sino man ang iinum ng tubig na ibibigay ko, siya ay hindi mauuhaw. Ang tubig na ibibigay ko....ay sa kanya magiging isang balon na nagbubukal sa kabuyang walang hanggang."


"Ginoo, ibigay mo sa akin ang tubig na ito."
Ang sabi ng babae.




Inutosan ni Hesus ang babae na tawagin niya ang kanyang asawa. "Wala akong asawa," ang sagot ng babae. "Nagkaroon ka ng limang mga asawa," sinabi ni Hesus. "At ang nasa iyo ngayon ay hindi hindi mo asawa."



Nahalata ng babae na si Hesus ay isang propeta.
Sinikap ng babae na makipagtalonan kung saan
magsamba ng Panginoong Diyos: Sa Herusalem o ang
bundok na banal sa Samaria. Sinabi ni Hesus na ang
tunay na sumasamba ay sumasamba sa Ama ayon sa
espiritu at sa katutuhanan.



"Alam ko na paririto ang Mesias," Ang sabi ng babae kay Hesus. "Kung siya'y darating, ipahahayag niya sa amin ang lahat ng mga bagay." "Ako na nagsasalita sa iyo ay siya nga." Sinabi ni Hesus sa kanya. Sa ganito, dumating ang mga alagad. Iniwan ng babae ang kanyang banga sa tabi ng balon at bumalik sa bayan.







"Magsiparito kayo at tingnan ninyo ang isang lalake na nagsasabi sa lahat ng aking mga ginawa," Sinabi ng babae sa mga lalake sa Sikar. "Si Kristo ba kaya siya?" Ang mga lalake ay umalis sa bayan at pumunta sila sa balon upang makita lamang si Hesus.




Sa mantala, sinabi ng mga alagad kay Hesus na kumain siya. Ngunit sinabi ni Hesus, "Ang pagkain ko ay gumawa ng kalooban ng nagpadala sa akin dito sa mundo, at tapusin ang kanyang gawain." Ang gawain niya ay hikayatin and iba para sa Panginoong Diyos.





Maraming mga taga Samaria na naniwala sa Kanya dahil sa salita ng babae. Tinanong nila si Hesus kung maaring manatili siya sa kanila; at siya'y nanatili ng dalawang araw.





Maraming
naniwala dahil
sa si Hesus
mismo ay
nagsilita.
Sinabi nila,
"...Naririnig
namin siya at
alam na namin
na ito ay si
Kristo, na
Tagapagligtas
sa buong
mundo.



Ang Babae Sa Tabi Ng Balon

isang kuentong nanggagaling sa
Salita ng Diyos, ang Biblia,

makikita sa

Juan 4

"Ang bukas ng iyong mga Salita ay
nagbibigay ng liwanag." Mga Awit 119:130



Ang Wakas



Ang kuentong ito sa Bibliya ay nagsasabi sa atin tungkul sa kahanga-hangang Diyos na naglikha sa atin at ibig niya na a-alam natin Siya.

Alam ng Panginoon na tayo'y gumagawa ng masamang bagay, na tinatawag na kasalanan. Ang parusa ng kasalanan ay kamatayan, ngunit mahal na mahal tayo niya na ipinadala niya ang kanyang Anak na si Hesus upang maipaku at mamatay sa Krus bilang parusa ng ating mga kasalanan. Nabuhay si Hesus muli at pumunta sa langit! Kungkayo ay maniniwala kay Hesus at humingi ng kapatawaran ng iyong mga kasalanan, gagawin niya iyon! Siya ay maninirahan sa inyong puso ngayon at kayo ay maninirahan na kasama niya sa kanyang tahanan na walang hanggang.

Kung ibig mong iwasan ang iyong kasalanan, sabihin ito sa Panginoon: Mahal na Panginoon, ako'y naniniwala na si Hesus ay namatay para sa akin at nabuhay muli. Maaari po bang pumasok kayo sa aking buhay at patawarin po ninyo ako sa aking mga kasalanan, upang ako'y magkaroon ng bagong buhay ngayon at sa sarating na araw ako ay kasama mo sa iyong piling na walang katapusan. Tulongan po ninyo ako habang ako'y naninirahan sa mundo bilang iyong anak. AMEN

Basahin ang Bibliya at manalangin sa Panginoon araw-araw. Juan 3:16

